

陽城縣志

卷八 人物上
四 人物下



陽城縣志卷之十



人物傳

宦業

北齊

上官顯願仕北齊高氏官輔國將軍時東西割據顯願當一面禦寇安民齊主以其有功敕儀同元監祺營成周壁俾子孫世守之

宋

何漢榮深于韜畧端拱中為殿前承旨充澤州太行路巡檢每恨

陽城縣志

卷之十

人物

一

不識文字常于馬上使人讀孝經咸平中契丹侵河北漢榮為先鋒屢敗寇加銀青光祿大夫檢校國子祭酒兼御史中丞侍衛親軍時王超守定州有尾大不掉之勢漢榮與楊延釗共謀扼其吭于高陽關超不敢逞乾興元年充山東山西都巡檢天聖中遷如京使安撫都監迨去任終于覃懷傳舍

元

鄭皋父名珪生而魁偉舉止異常及長武勇有力智識過人金季喪亂率義旅鎮遏無敢犯境者上黨公張開知其才擢為兵馬提控觀鄭侯湘谷二流可觀屯城之用請于郡守霍公疏決之

民受其賜從事久積有助勞進忠昌軍節度同知元初命爲本軍節度使時當大亂之後民多逃匿流亡皋以恩信招撫安集之安堵如故

鄭鼎字國器皋長子幼孤能自立讀書知大義既長有勇畧善騎射初爲澤潞遠沁千戶從塔海緝不屢立戰功遷陽城軍民長官憲宗征大理國鼎每奮身力戰上壯之世祖中統元年以功遷平陽萬戶至元三年遷平陽路總管平陽地狹人衆乏食鼎導汾水溉民田千餘頃修學校厲風俗民德之十三年移鎮鄂州夏五月斬黃二州叛鼎討之戰于樊口舟覆溺死年六十有

陽城縣志

卷之十

人物

二

三贈中書右丞諡忠毅後加贈宣忠保節功臣金紫光祿大夫柱國追封潞國公改諡忠肅

鄭制宜鼎子至元十四年襲父職仍戍鄂州十九年征日本造樓船洲地狹欲徙民居制宜不許改授寬地居民感之城中屢火或言恐姦人乘間宜捕其疑似者制宜曰吾但嚴守備奈何濫及無辜東征請赴敵自効上以其父歿王事止一子不許請益力乃命從以戰功授懷遠大將軍明年幸上都舊制樞府留二員司本院漢人不得與至是以屬制宜遷湖廣叅政以籍沒叛人財產賜之制宜辭上賞其守賜白金五千兩未幾拜內臺御史

史大德八年晉地大震平陽尤甚制宜承命存郵晝夜倍道兼行至則親入里巷撫瘡痍給粟帛存者賴之成宗素知其名眷遇殊厚每侍宴輒不敢飲上察其忠勤賜內醞輒持以奉母上聞之特封其母潞國太夫人十年疾卒年四十七贈銀青榮祿大夫追封澤國公諡忠宣

鄭昂霄字顯卿鼎從子襲萬戶初就鎮見安樂堂處三軍者卑陋下溼歲死者衆出私錢更諸爽塏撫恤士卒備至順元土官宋隆濟弄兵從分省進擊功爲多由明威將軍進懷遠大將軍建立學宮延明師以教軍中子弟江北流民橫行鄂岳間親詣其

陽城縣志

卷之十

人物

三

處散歸其民惟罪剽掠者延祐元年覃定遠大將軍戍廣西平靜江二十四寨右江岑世興侵掠州縣招撫底定泰定二年廣西獠賊大起詔昂霄督師洞寨皆降天歷用兵拜湖廣行省叅政改行樞副戰于偃師西兵數敗復湖廣叅政征蜀抵播州石虎關蜀道通歸辭疾不允卒年六十子濤

鄭濤字子壽昂霄子襲萬戶江北河南寇亂巡綽湖廣以獲賊多進明威將軍湖南宣慰同知副都元帥至正十二年從平章也先鐵木兒于裕溪等處屢立戰功十六年除河東山西道宣慰同知禁兵戢暴民頌其仁廉謂之父母焉

明

原傑字子英正統乙丑進士少力學器宇魁岸爲御史巡江西人情帖服江西陳少傅德尊王家宰行儉蕭都憲維楨論知傑合詞荐爲按察使劾甯王奠培革其護衛肅清宿弊振舉頽綱墨吏咸股慄郡守某怙勢貪黷莫敢發卒懲其奸抵于法轉山東左布政使成化二年就拜右副都御史巡撫其地歲凶賑救民無流移召爲戶部左侍郎母喪去位江西盜發詔卽其家起之俾往督捕悉平改左副都御史還佐院事荆襄流民數十萬朝廷以爲憂祭酒周宏謹嘗著流民圖說謂當增置府縣聽附籍

陽城縣志

卷之十

人物

四

爲編氓可實襄鄧戶口俾數百年無患都御史李賓以聞帝善之十二年遂命傑出撫徧歷山谿宣朝廷德意流民欣然願附于是大會湖廣河南陝西撫按官籍之得戶十一萬三千有奇用輕則定田賦民大悅相地勢增置州縣拓鄖縣城爲鄖陽府置湖廣行都司益兵戍選官吏流人得所四境乂安薦御史吳道宏自代自是鄖陽始設撫治矣傑以功進右都御史將還朝會南京兵部尙書缺以傑任之傑疏辭不許遂卒于南陽年六十一鄖襄民爲立祠詔贈太子太保錄其子宗敏爲國子生隆慶中追諡襄敏

楊繼宗字承芳天順丁丑進士官刑部貴州司主事每閱囚許令三日一櫛沐蘇活甚多決疑多所平反王忠肅翔薦知嘉興府携一僕自隨署中蕭然如逆旅御史孔儒清軍按里酷虐多撻死者繼宗榜市門御史杖人至斃者詣府報名孔大恨瀕行突入府署發篋視之敝衣數襲而已儒慙而去豪民張紳父子劫桐鄉解絹論死上官張敏受賄思成其獄詰繼宗以失主曰朝廷又詰以原告曰知府敦語塞而止時閹人多橫有織造秦品者過遺以菱藕歷書不受而索金帛繼宗卽發牒取庫金曰金具在與我印券品愕然不敢取海水爲患歲費帑三千金往治

之止一千金斃石貫鐵至今塘岸如故九載秩滿超遷浙江按察使數與中官張慶忤慶兄敏在司禮譏之上前上曰得非不私一錢之楊繼宗乎敏懼遺慶書曰善遇之上已知其人矣擢巡撫順天會星變上疏歷指中官及文武諸臣貪殘狀且請召還中官出鎮者左遷雲南副使遂舉騎入叛徭窟曰副使楊某來猛大驚羅拜卒撫定之地產金三司使日微作器飭劾退之宏治中轉湖廣按察居無何復以僉都御史巡撫雲南三司多舊僚相見歡然旣而劾罷不職者八人未幾卒萬歷中追謚貞肅子墳

楊填成化丁酉舉人會試副榜由國子學錄爲德王府長史頗能以禮匡正王及裁抑王府宦侍加正四品服俸卒

張綸成化辛卯舉人知陝西甘泉縣值流寇亂綸令子率民兵晝夜防禦外請援兵嬰城固守以待賊無所得遁去民賴以安

田鐸字振之成化戊戌進士歷戶曹郎命賑蜀誤遺敕書謫蓬州知州州東有江洲八十二頃爲豪右所據鐸悉以還民建大小二十四橋又鑿三溪山以便行旅御史行部至訝民無訟已乃知無寃民太息去荐擢廣東僉事選四川叅議不赴以老疾告歸正德時劉瑾矯詔言鐸理廣東鹽法簿牒未明逮赴廣東未

就道而瑾誅或勸毋行不聽行次九江卒年八十有二

宋鑑字克明成化戊戌進士耿介不阿少有大志精力過人讀書通宵不寐人謂宋鐵眼初令舞陽剛廉嚴正尤加意學校擢山東道御史執法不避權勢出知廬州斷不留獄法不徇人囹圄空虛貪冒絕跡每行州縣孜孜問民疾苦時大司馬馬文昇子守六安不職吏科周璽魚肉鄉民鑑斥之不少恕在廬七年治行最著尋調慶陽居一載以內艱歸遂不出性尤孝友常與弟同寢食視姪猶子鄉評重之

張黻字廷儀成化甲辰進士初知靈壽清直簡默喜怒不形而剖

斷執法不少借民立祠祀之擢御史按陝西有重獄當刑前吏畏避不敢決黻至立決之遷陝西副使所至皆以清白稱卒于官箚中惟俸金六十兩而已憲長令各屬致賄始得歸葬

白鑑字孔彰成化丙午舉人生而穎異倜儻有大志初令文登政尙寬簡以廉節自勵未幾以憂歸起補杞縣杞稱繁劇訟牒盈庭剖晰明當治行稱最調漢陰值劉瑾擅政遂棄官歸瑾誅復起洛南寬簡廉節三載告歸百姓遮留若失慈母居鄉謙讓寬厚人咸德之卒年九十有三

王珪字邦器宏治己未進士初授刑部主事繼補戶部督倉能剔

陽城縣志

卷之十

人物

七

奸弊晉刑部郎中遷陝西僉事平川陝之盜預有勞績尋調河南汝甯時劇賊劉六踞上蔡逼汝珪誓死守賊來攻城敗而奔衆欲上功致以賊魁未殲不可因具陳賊可平狀朝命撲滅之有賊黨汝人趙秀母繫獄珪出之秀聞感激思効密白趙璠劉六合兵來劫珪因得先期募死士整兵仗至則一鼓縛其渠魁解送軍門紀功官吳玉榮索賄不應人皆優叙珪止賞綵帛銀牌亦卒不自言也歷兵備薊州及山東叅政俱著績命勘開原執貢使之誣不阿附人多忌之遂解組歸卒于家

張軌字信夫宏治辛酉舉人溫良貞諒敦厚誠懇涖政公勤愛民

如子知延慶時武宗幸宣府三駟蹕于境髮倖江彬申鑑張鏡
守備孫璽周瑁輩求索無厭軌不爲動有馬元吉者宦黨也其
姪恃之以事私相屬軌繩以法無所徇焉馬遂誣奏軌得旨命
東廠處分人爲軌懼卒得白巡按章綸歎曰處危險而存心不
失其正當紛擾而遇事不避其難直哉守也遷萊州府同知居
萊三載才守益著卒于官

衛璣宏治中任河南陝州同知勤于吏治兼通經史練達時宜
楊文寶宏治中任陝西咸陽縣丞才兼儒律治孚遐邇當時推重
田濟號愚齊以明經授固安訓導諄諄善誘造就人才武宗朝疏

陽城縣志

卷之十

人物

八

諫十事其固安門人蘇志皋張思誠立碑表其忠孝

郭昊嘉靖乙酉舉人溫良質直寡言笑交遊不妄容儀有度令淄
川寬易簡靜引水以溉田決疑獄以伸久枉縣舊供上官煤炭
昊請分派隣縣以甦窮民由是忤三監司各不悅左遷懷慶府
教授卒于官禮部侍郎何塘誌其墓第昌別有傳

見文苑

張好古嘉靖癸未進士性剛毅有爲不畏權勢初令元城時皇親
陳氏怙勢作威福好古執其弟姪以法繩之被奏繫詔獄謫靈
臺典史復鹽城令陞刑部主事終四川僉事先是陽邑均徭濫
額大爲民累好古奏豁民甚德之

李喬芳字南峰嘉靖舉人知臨潼治多近情不爲已甚案無留牘而越訴者必懲一時推有司之良遷眉州知州

李多號西谷嘉靖辛丑進士律已端嚴臨事詳慎令郟陽民狡悍多逋課多催科撫字並行澆俗丕變以法誅豪強民有多除虎之謠陞河間府同知晉河南僉事歷叅議副使叅政湖廣按察使肅憲度恤刑獄以平叛人師尙詔功陞河南右布政轉山東左布政平賦役節財用賑饑凶善績懋著計曹薦章數十上詔加食一品俸告歸林下優遊十餘年年七十一卒

王國光字汝觀嘉靖甲辰進士初令吳江隣邑有疑獄來質詭輒

陽城縣志

卷之十

人物

九

得情尋調儀封擢兵部主事改吏部歷文選郎中屢遷戶部右侍郎總督倉場隆慶四年起刑部左侍郎拜南京刑部尙書未行改戶部再督倉場神宗卽位還理部事初戶部十三司自宏治後以公署隘惟郎中一人治事胥吏滋奸國光盡令入署職務得修舉邊餉苦匱請勅邊臣核實耗蠹遂損萬歷元年奏言國初天下州縣存留夏稅秋糧可一千二百萬石歲用外計餘銀百萬有奇使有司歲徵无缺則州縣積儲自豐水旱盜賊不能爲災患今一遭兵荒輒留京儲發內帑弊至于此請行天下撫按官督所司具報出入存留逋欠實數臣部得通融會計以

其餘濟邊制可京軍支糧通州候伺甚艱請遣部郎一人司之名坐糧廳驗發无過三日諸軍使之本曹天下錢穀散隸諸司漫無核紀請歸併各司責成遂爲定制三年京察再疏乞罷不允明年仍固以請乃詔傳乘歸瀕行以所輯條例名萬歷會計錄上之上嘉其留心國計令戶部訂正及書成詔褒諭焉五年冬起吏部尙書陳采實政別繁簡責守令恤卑官停加納數事皆允行尋以考績加太子太保任職六年爲御史楊寅秋所劾落職已念其勞命復官致仕卒年八十有三

張昇字伯東嘉靖庚戌進士初令清苑多惠政擢戶部主事調兵

陽城縣志

卷之十

人物

十

部員外郎郎中出守衛輝衛故多大俠昇按以法境內肅然百泉水舊以灌田部使者嚴爲漕禁民病之昇抗言非便禁遂弛民立祠祀之以比西門豹擢陝西副使改大名轉河南叅政尋告歸時王國光正掌銓部張王布衣交又姻婭不藉援也州守許維新歎爲不可及丙戌大疫疫死者枕藉昇延醫施藥發粟賑饑全活甚衆平居與鄉人處温温煦煦若不知有官者年八十七卒于家

衛心嘉靖庚戌進士授宜陽縣銳意有爲開渠灌田丈地均賦刻流澤平賦一書永爲宜陽留遺愛後調臨淄

李可久字子嘉靖壬戌進士初知唐縣歷河間同知遷山東按察司僉事俱有政績中與上官柄鑿謫知華州擢南武選郎中晉四川僉事自投劾去居鄉仁厚邑父子登制科者自可久始粟魁周字汝元性沉毅寡言笑剛正不阿博學能文嘉靖己未進士授戶部主事時畿輔大稔奉旨賑濟條陳方畧全活者衆又督運清出江西浮糧若干陞員外郎轉陝西僉事分巡關西道詢問疾苦興利除害平巨寇楊師古一方肅然轉叅議隴右以伉直忤直指某賦詩謝政歸邑故無志蒐羅舊聞哀集成書著有秦中詩文集年六十七卒

陽城縣志

卷之十

人物

十一

楊樞嘉靖己未進士官給事終河南按察使小心謹慎寬和無競居官勤職在商洛有擒鑛賊功爲人所掠終不自言在河南督京儲一無所染指士論重之

王淑陵字之義嘉靖乙丑進士初任蒿縣令蒿故有鑛穴多巨盜至則多方緝捕而又廉其渠魁署以把總勅令擒勦一時肅清興學勸農法嚴而心慈民擬之子產肖像祀焉擢廷評轉工部主事歷郎中河南副使湖廣叅政所至有聲致政歸每留心桑梓條上利弊如擇里老以代收頭設倉吏以蠲斗級則最爲民便者也晚年布衣角巾優遊田里

原一貫以明經官濟南訓導勤教誨恤孤寒士林重之

陳思伊字任宇父仲翁別有傳器度恢廓好義樂施常從賢士大
夫遊少棄諸生習武事歷官延綏遊擊將軍還里會有寇逼邑
境官募鄉勇屬思伊訓練之坐作進退莫不有法年九十餘及
見元孫里人艷之爲治匾曰五世一堂云

楊植字爾立萬歷丁丑進士性耿介與人不苟合初任益都嚴明
果斷夙弊頓革郡守每亢抑之不屈在任六年令行禁止吏畏
民懷擢大理寺評事轉兵部主事守山海關卒伍無敢闕出入
商賈便之轉刑部員外郎歷薊州僉事河南叅議遼東副使所

陽城縣志

卷之十

人物

三

至稱能終養歸起補陝西守關西道益勵操持加意振刷未幾
疾革家人雜贖緩檄于文移中檢而怒擲之居官三十年僅茅
屋數椽薄田三十畝而已

衛一鳳字伯瑞萬歷庚辰進士授刑部主事手定爰書廷尉無以
難吏不得因緣爲奸遷員外郎歷郎中出守紹興憂歸起補青
州政簡肅旨指者欲申傷之巡撫孫鑛曰衛青州飲郡中一勺
水耳正如富鄭公之守青也乃特疏薦之擢鞏昌副使火直入
犯晝策禦之捷聞詔予金以終養歸服除補山東副使大同空
劉東星以河防多事請移道濟甯至則因勢利導塞黃家諸口

轉參政移青州擢應天府丞誅妖民剝天緒以右僉都御史撫治鄖陽時秦寇嘯聚論以禍福望風解散去瀕行節省經費七千餘緡置庫中一毫不取晉南兵部右侍郎陞南刑部尙書改南兵部尙書參贊機務戢叛兵之亂行伍肅然值魏璫用事三疏乞歸會縣令建璫祠要其注名一鳳曰吾罷官正潔此身耳可以此相污耶鄉居望益高卒年八十四贈太子少保遣官祭葬子廷憲

衛廷憲登進士官戶部主事有能名遷部郎中出知淮安府亦以清介爲上官所重卒于任所

陽城縣志

卷之十

人物

三

白所知字廷謨幼清弱識見絕人目閃閃如巖下電十歲善屬文萬歷壬午登鄉試第一人癸未成進士授禮部主事調吏部歷稽勲員外郎驗封郎中調文選兼公持潔直聲達于宮禁會年例事每春秋汰一二言官于外以示殿最給事中戴士衡者執政張位黨也所知惡其儉倭竟以戴從年例張銜之會以憂去張嗾戴以事誣奏罷其官遂杜門謝客垂二十年光宗卽位召起太常少卿轉光祿卿晉南戶部左侍郎所至著清望練習掌故動愷輿情時徵解不時軍餉虧缺兵欲于祭陵譟亂所知榜部門先予糧一月停不急之請以給軍遂靖召遷工部左侍郎

修慶陵工竣賜錫幣晉尙書時百役並舉費以鉅萬計隨緩急酌給卒無所絀已累疏求去賜乘傳歸復以三殿成敘功加太子太保既歸不交人事究心養生家言食不兼味衣無統綺見後生必諄諄教以孝弟謙謹爲立身大節卒年八十有六

白所行所知第萬歷丁酉舉人性至孝母疾衣不解帶者逾歲任肅甯知縣縣故多盜捕治絕跡調四川大甯清操益堅以疾卒于官一棺外無長物其兄所學方爲唐縣令遣子迎之始歸葬田立家字正國端嚴魁岸年十八始折節讀書萬歷丙戌成進士任鳳翔推官丁艱起補開封皆明允多所平反陞戶部主事調

陽城縣志

卷之十

人物

四

兵部典陝西試賢員外郎中掌武選晉河南叅議分巡汝州歷陝西副使分巡商洛所至有聲轉河南道右叅政晉按察使三載考績加從二品服俸會註誤去未幾召視遼海改河南右叅議賑荒積粟兩河德之以戇直不合時宜遂挂冠歸年八十九卒

張志芳字廷芝萬歷辛卯舉人束髮儉靜如成人父喪哀毀骨立三年不居于內侍母疾七晝夜衣不解帶初知陽信值歲大稔設法賑濟召邑父老垂涕勸勉之所全活者數萬計上臺以其政蹟刊刻成書名曰救荒實政遍示隣邑舉卓異除宿州陽信

父老赴闕保留不報號泣攀留不忍公爲建生祠鹽使者張潑
扁其第曰天下清廉第一以內艱歸起補滄州改知景州滄景
當白蓮妖賊之變愚民蠢動單騎曉譬禍福率歸田畝境賴以
安又甦驛傳申保甲除羨耗三年獨居止二三蒼頭供朝夕一
日候漕使舟次失足墮水急拯出易衣中外皆巖惡布無寸帛
着體使者歎曰眞清正人也特疏表異擢戶部員外郎奉命署
太倉甫兩月積餘米一千七百石奏聞賜宴旌之陞郎中督天
津餉親按權量三軍戴德賜白鏹至僉事仍泣津門革船規卹
解官旗甲尤至加叅議焦勞拮据齋諸弊端璽書褒之曰守嚴

一介清畏四知士馬飽騰飛輓時至漢高用蕭相于關中光武
委寇恂于河北揆之今日無多讓矣加陞一級進叅政積勞成
疾卒于官軍民聞訃哀號數日爲建祠立碑

楊瀚字海涵爲人端方嚴直孝友員誠幼聰穎才名擅一時遇試
每冠多士舉萬歷丁酉鄉薦初授甯遠知縣除土豪殲渠寇道
路肅然尋補良鄉邑素稱衝繁地治瀚揮霍有餘戢強鋟暴政
聲倍著民尸祝之晉南大理寺司事持法明允家居嫻睦寬忍
梓里感誦不衰云

王桂字高攀警敏宏達有至性總用失怙事母克孝朝夕溫清必

盡禮時長兄權秉家政貧無宿儲不以家務累及責令勤學畏
兄嚴正砥志攻苦不敢怠萬歷丁酉舉於鄉授靈寶知縣興學
勸農時三山大饑流離載道力請兩臺發倉廩仍多方設法捐
賑一時函谷諸城無不越境就食全活甚衆民立祠祀之陞常
州府同知主海運權政貨舟蟻集水操自矢纖毫不染廉聲大
著以疾卒於官

崔時芳字冲寰性端嚴篤厚萬歷丁酉舉人初令華陰繼補平涼
所至清勤謹慎保民若子及同知鞏昌軍民咸樂依之解組歸
里與翁白首友愛樂育後進遊其門者多奉爲楷樞

陽城縣志

卷之十

人物

六

賈之鳳字儀虞第之龍之鵬兼孝友知名不析箸而居之鳳萬歷
戊戌進士授真定推官聞父病棄職馳七百里省視得相見訣
歷禮部郎奉命教習駙馬駙馬與宮中忤挂冠去之鳳疏爭當
時趨之副使潁州修芍陂賑饑民全活以萬計叅政天津監軍
薊永號能任事擢陝西按察卒於官之龍嗜學工詩任袁州經
歷遷濟南棄去志甘泉石及卒貧不能殮著怡園草之鵬天啟
甲子舉人扶伯兄柩還人哀其瘁有志河汾之學晚署河津教
諭旋歿於官平居造就多聞人著有詩文集

李養蒙字育吾性溫厚篤孝萬歷辛丑進士授淮慶推官稱祥刑

遷戶部主事歷員外郎中遷承天府知府所至廉惠人樂依之
艱起湖廣副使未任卒祀鄉賢

李春茂字震陽萬歷甲辰進士由行人轉兵曹補虛清冒軍政宿
弊悉除及藩臬秦楚募兵設餉鼓鑄轉輸具盡心力以濟時艱
遷順天府尹肅清輦轂彈壓豪強尋加右都御史里居時秦寇
蹂躪率眾築砦以居里人寇至幸無恙鄉人德之卒年七十五
才

楊新期字周卜萬歷丁未進士貞肅七世孫也初任項城縣調雍

陽城縣志

卷之十

人物

七

邱補蠡吾又調渭南凡四縣百弊釐剔清名獨著擢御史抗章
論三案不避忌諱按湖廣興除皆切當年利弊復命謝絕竿牘
甚峻熹宗朝忤魏忠賢削籍崇禎初召還臺持憲紀者十三年
衣大布飯脫粟不媿祖風

王用士字旂召上世徙自太原登萬歷己酉鄉薦生而警穎凝重
事繼母以孝聞初令考城有隣邑子藉家勢爲奸暴者用士擒
其黨治之諸豪猾爲之伏匿以外艱歸起補靜海至則建義倉
清郵傳繕城垣濬河渠邑舊無志創修之三載績最會漕運覆
塌菽石臺司責償於靜正辭拒之曰秋水時至靜民何辜君其

問諸水濱臺司以語慙直無屬官體遂疏罷之即日怡然就道
父老臥轍垂涕不忍捨既抵里杜門謝客卒年六十有九

張愼言字金銘河南叅政昇孫也萬歷庚戌進士初令壽張調曹
縣清河並有政聲泰昌時擢御史踰月熹宗卽位三案事起愼
言上言不究張差黨與所以全父子之恩然必摘發奸謀所以
明君臣之義至崔文昇李可灼法當受誅反蒙賜金誰秉國成
一至於此無何賈繼春以請安選侍被譴愼言抗疏救之帝怒
奪俸二年天啟初督畿輔屯田上言天津靜海興濟間沃野萬
頃可墾爲田列上官種佃種民種軍種屯種五法又以遼人入

陽城縣志

卷之十

人物

五

闕宜招集之以無家之衆墾不耕之田於計爲便從之五年爲
尊欽程所誣下詔獄戍肅州崇禎初召還擢太僕少卿歷太常
卿刑部右侍郎讞耿如杞獄不稱旨下吏尋遣歸再召工部侍
郎遷南京戶部尙書七疏引疾不允就改吏部尙書掌右都御
史事福王卽位南京命愼言理部事爲勛臣劉孔昭等所忌乞
休得請加太子太保蔭一子時山西盡陷於賊愼言流寓宣城
疽發於背而卒年六十九愼言少孤鞠於祖母及爲御史聞訃
引義乞歸服喪三年子履旋別有傳

張鵬雲字漢沖萬歷丙辰進士由商邱令爲刑科給事中挺擊案

起疏劾劉廷元直聲聞天下疏云張差持挺闖宮正東朝危急
聖祖震動之時舉朝有宗社憂卽鄭國泰亦有家門慮廷元巡
視親鞠乃平平點綴插入風癩輕輕轉語復緣以點猾眼目顯
然伏案頗巧爲國泰護法爲龐劉卸身設心良苦而造謀殆不
可掩及提牢詰而風癩破文華鞠而欽案結倡國本正論者悉
斥徒察調爲張差報仇爲風癩結局不惟一時人材銷磨殆盡
而數載公論顛倒無餘皆廷元爲之也吏部尙書張問達覆奏
廷元始謫去鵬雲亦出叅議四川尋爲權璫矯旨削籍崇禎初
起禮科遷太常寺少卿晉右僉都巡撫順天安輯百姓彈壓勲

戚引疾歸當事誣以規避罷官性介不立名譽在言路持論侃
侃退而焚其艸里居絕口朝政凡七年卒

張登雲號月亭鵬雲兄任江陰縣主簿遷遂平縣丞署確山篆廉
介不染邑有解糧賠累之苦力爲革除陞京山衛經歷告歸先
是赴銓掣得山陰吏詭以江陰易之同鄉白孕謙司寇曰宜急
辨登雲曰總一簿耳若辨吏當何罪置之人服其量後以孫爾
素贈刑部侍郎

王國丞字宗孔天啟間貢早慧名神童事繼母以孝聞父產悉讓
異母弟家徒四壁立不顧也英邁不羈而精研經史初授河津

訓導建五經堂課士遷萊州教授掛冠歸里

白所蘊字廷徵天啟間貢少有德器授嶧縣訓導三月卽乞身歸周卹睦嫻三黨咸倚毗之旣出家財佐軍興壬申寇氛初息時有被掠婦女流離道路所蘊爲給資俾歸鄉張大司農慎言曰衛司馬之服官白司訓之居鄉砥行礪節眞後進楷模初學易於從兄太保所知孝友文章一時推重與張尙書慎言楊刑科時化齊名學使校士三人必在甲乙之間後之論者不以顯晦分軒輊也卒年七十二著有閩修錄北窓瑣言

盧時升字南征郭峪里人舉天啟甲子鄉試崇禎八年下詔內外

陽城縣志

卷之十

人物

辛

官於舉貢監中各舉堪州縣者一人時升用薦爲濟源縣知縣時流賊正出沒河以南詰戎防境賊不敢渡河歲大禋民聚爲盜者數千人勒兵殪渠魁餘解散去大獄百餘一日了之幕府交章荐調任縣縣新被兵至則扶傷吊死招流亡修戰守任以治

武傑以天啟辛酉舉人知河南沈邱縣遭流寇之亂中州百城皆陷而沈邱獨全以傑能得衆心如墨子之守也人以其爲張巡而後一人掛冠歸避寇於麻樓山賦詩見志忠義之氣尤著焉

國朝

石鳳臺性爽朗饒膽畧明季舉進士官至兵備副使順治初大兵定三秦以鳳臺署陝撫俄而改湖廣叅議復遷陝西副使旋致政歸時尙未老也縣當兵亂後有嘯聚者屯據西山中鳳臺一日單騎竟入其砦開衷諭之示以禍福羣盜感悟並解散歸田畝者五百人邑人白孕昌爲文刻石紀其事

陳昌言字禹前前崇禎甲戌進士由樂亭知縣爲御史敢言出巡山東嚴戰守以禦寇尤多彈射逆事

本朝用原官視學江南稱知人終養奉母范至孝與弟昌期友愛家無分財昌期亦父事之築菟裘以待予告泉石間怡怡如也

陽城縣志

卷之十

人物

三

著述先草山中集斗築居集若干卷子元學於叔昌期順治己亥進士選庶常性樸素有文名承重歸卒於家

白允謙明崇禎癸未進士選翰林庶吉士入

國朝由內院秘書檢討歷侍讀學士累至吏部侍郎晉刑部尙書以議蘇松巡按王秉衡獄不稱旨左遷太常少卿旋擢通政使乞歸卒年六十九

張璿字伯珩資穎異絕人讀書一過不忘自爲童子至提南宮僅五年皆一試卽得其成進士爲明崇禎癸未科年始二十一耳初授原武知縣擢御史出按四川已而巡離淮揚潔己白矢清剔

引鹽之弊晉大理丞歷順天府丞大理少卿工部右侍郎以兵部侍郎都察院右副都御史巡撫陝西飭法紀絕苞苴官吏望風畏懾未幾左降福建督糧道以疾卒於官

張爾素字賁白順治丙戌進士性孝友和粹自庶吉士補編修由左春坊諭德出爲江南叅政遷陝西按察使再遷湖廣布政使時楚當荒亂之後士風衰敝爾素爲立書院以教之入爲通政使晉刑部右侍郎俄轉左侍郎乞歸卒家貧儉一如寒士云

衛貞字伯始順治丙戌進士知商城縣縣界吳楚之交明季餘孽伏莽居民鮮少田野荒蕪貞至一意與民休息身入賊巢論以

陽城縣志

卷之十

人物

三

禍福感泣願爲良民擢工部主事遷員外郎連出司管權以清白稱改監察御史巡按江南彈劾方面大吏之不法者再疏各郡情形爲八弊四害上之會海警論失守官從輕被逮已而得釋終於家

賈益謙明天啟甲子舉人初知雞澤縣善聽斷邑稱神明遷兵馬指揮擢大僕丞累官戶部郎中出督延綏餉有大官欲奪其權者益謙曰若奉敕我亦奉勅何相干之有人壯其言使竣晉階四品予一子蔭再領徐州倉以疾卒

王崇銘明時舉人入

國朝知永年縣擢戶部主事歷郎中出知處州府以撫寇功晉福
建運使大兵入閩需舟楫臺府檄崇銘司之不數月而具衆稱
其能然崇銘力亦殫於役而遂卒也

趙士俊順治丙戌進士知荏平縣撫綏流亡民漸復業時巨寇負
固鎮兵不能制士俊懸賞購之雖不得賊人咸壯其意以與旨
指使者左爲所劾去官

田六善字兼三順治丙戌進士知太康縣擢戶部主事連出主關
樞由戶部郎中遷御史改給事中六善爲御史時屢上奏言事康
熙初方用兵或假爲軍食籌計請天下士試郡縣有司者計入

陽城縣志

卷之十

人物

重

百金卽得補諸生如俊秀爲國子生例廷議已允行六善獨上
章力爭爲不可士論譴之累遷順天府尹時發帑金買米京師
米價爲之騰湧人皆皇皇六善上章請罷之尋晉工部侍郎改
戶部出視河工旋轉左侍郎以老致仕卒子澗舉人沆登進士
中書舍人灌以舉人知廣西荔波縣有治績官終兵部職方主
事澁貢生陝西金縣知縣

田七善順治己亥進士連知合江狄道縣康熙中逆藩吳三桂反
岷洮隴蜀地多陷沒七善潛走歸大將軍靖逆侯幕下幕府爲
上言不污賊狀得內擢吏部主事無何足疾自引去

王用傑歲貢生順治三年知澄城縣時寇攘未靖請兵親勦賊魁康姬衛戮之餘就撫四境帖然乃復修廟學葺衙署澄邑始復舊焉

楊榮序字半岫進士有詩才初任慶陽推官順治十七年遷知桂林府多惠政憂去復知平樂府人不敢干以私奸猾多羅織猶犇肆吞噬或至鋌而走險榮序廉得實蔓詞概不理獄幾空庚戌疫出貲注藥活者數萬三權關稅正額外不妄取修廟學葺府署繕城垣號粵西循吏

本名榮蔭改榮序

陳廷敬字子端世爲邑之郭峪里人祖經濟州諸生父昌期拔貢

陽城縣志

卷之十

人物

七

生皆別有傳母張夢神授玉匣珠囊生廷敬丁酉舉於鄉戊戌登進士選庶常繼授秘書院檢討假歸奉母四載還補官轉國子司業遷侍讀明年復設翰林院改侍講擢詹事尋遷內閣學士充講官掌院教習敷陳剴切講畢卽侍內直以爲常母喪去位服除遷禮部侍郎仍典書局在部絕請託禁饋遺諸曹肅然轉吏部侍郎仍兼學士職

詩命督理錢法爬梳積弊竟局無敢冒一錢者擢都察院左都御史時議以旗兵屯外城緝盜賊御史李時謙疏言不便部議非之廷敬力陳李時謙言是事寢以俗尙奢汰吏多貪濫疏言貪

廉天下之大閑奢儉貪廉之根柢不儉不廉至饑寒切身奸究
卽起乞詳定官民冠服婚喪之制疏凡數數上皆國計民生之
大多允行焉糾雲撫負餉至九十餘萬丰采峻肅中外憚之轉
工部尙書歷戶部改吏部望實日隆然性亢直始劾雲撫所知
咸危之楚撫獄起思者以姻婭牽連鈎致無所得而止因引辭
以原官解任仍書局自隨越二載起總憲復爲工部尙書改刑
部引律斷獄不爲深文外憂去官服除七日卽調吏部時銓法
吏作奸臨選駁人到部誠當駁者先呈稿弊不得行桐城張相
國致仕癸未四月拜文淵閣大學士兼吏部如故以內閣兼直

陽城縣志

卷之十

人物

五

處密勿地敬慎自持六載屢疏乞歸慰留不允明年四月竟以
疾終

賜紫秘秘器一具賻銀千兩

御製輓詩遣皇子臨奠加祭一壇謚文貞令行人護喪歸葬年七
十有五九歲時嘗賦牡丹有要使物皆春之句迨入官恒恐天
下不蒙其澤嘗荐戶部郎中王士禎戶部主事汪琬皆入翰林
靈壽令陸隴其清苑令邵嗣堯胥擢御史屢典文衡得士如馬
世俊金德嘉張瑗王式丹極一時之選著有午亭文編五十卷
午亭歸去集二卷子謙吉豫朋壯履豫明別有傳

陳廷愨字素心生而穎異性孝友有濟物才處家庭間恩義兼盡
凡撫孤濟急賑荒莫不引爲己任縣行戶向納羊羝狐皮不勝
其累力白上官革其弊又私出粟行朱子社倉惠更溥合武安
歲辦漕米百姓負戴舟次廷愨令戶胥賚漕銀赴河千易米上
兌民便之俗健訟好鬪多方化導民風丕變有歌青天後陳胥
天之謠去官民感慕建祠名一錢亭工鍾王小楷著南游草歸
田詩錄祀郡鄉賢

陳廷展大學士廷敬母弟長於詩以明經司訓太原葺學舍督生
徒郡守下其事爲二十七學所式繼補平陽訓導遷廣東欽州

陽城縣志

卷之十

人物

三

僉判上官廉其能俾攝永安西甯新興和平等縣篆咸理尋轉
湖廣鄖陽別駕鄖爲衝要地軍餉取給各屬浮漢達江頗多險
阻乃請折價就近採買既省裝運又避江濤軍民稱便視守篆
通渠水灌民田三千餘頃興國有滯獄久不決守因罷廷展一
訊立辨陞羅定州知州百廢具舉羅民德之未幾僉廷弼來叅
議轄此州引例避次興安卒

陳廷統字與可授四川成都府通判內遷大理寺副陞刑部郎中
擢湖廣辰沅靖道時紅苗蠢動衆數萬率缺脛善緣壁蜂擁先
登鎮筸城中兵不滿數千皆老稚不可用而富室某甲等潛與

賊通約爲內應是時事起倉卒武士皆股慄不知所爲乃從容
指揮諭以禍福捕某甲等戮之懸首城上苗引去乃空壁尾追
大敗之師旋市井宴然若不知有兵革者尋改福建延建邵道
爲政不務苛細臨大事有高識遠略所任在在稱治延平據入
關上游素稱繁劇廷統剔釐奸弊寬恤人民以吏議去士民嘆
頌有攀援流涕者強年致仕縱情烟霞詩酒間著握蘭草乘乾
集鎮算邊防未議

陳廷弼字苟少自幼穎異受業於家兄文貞相國學益粹喜讀左
史行文獨出機杼授臨湘令清丈民田積弊盡除改澧州刺史

陽城縣志

卷之十

人物

三

澧故多淫祀乃核祀典所不載者咸毀棄之調桂陽桂陽僻處
山中苗獠屢叛開誠布公夷爲貼服尋內擢百姓攀轅流涕送
之遷粵東糧驛道益勵清節先是各屬糧米有派費名色悉去
之修倉三百餘所積儲如法樂昌北接彬陽水道多險叢山壁
立怒濤洶湧每有覆溺之患廷弼委令鳩工平治四百餘里成
坦途粵田強半瀕海築長堤資捍衛民皆德之著澧陽清山錄
王屋山莊詩鈔

衛立鼎字慎之康熙癸卯舉人初知盧龍縣行取戶部郎出知福
州府年老用原官致仕立鼎之在盧龍也時于清端成龍方巡

撫順天舉畿甸廉吏以立鼎名第一魏大司寇象樞巡察畿內至盧龍立鼎治具以待司寇不食唯啜茗而去曰令飲盧龍一杯水吾亦飲令一杯水耳其爲當時所稱如此

張泰交字公孚父本諸生出遊竟不返泰交每誦孝經悲不能自勝以家貧將棄書去學爲賈適祥符人都甫來爲令試邑童子得泰交文竒之固勸令卒業遂以康熙辛酉舉於鄉明年登進士選知雲南太和縣太和爲附郭縣民苦供億多流亡而兵率驕橫十九占民舍居之至營於縣廷前令不敢問轉僦人屋宅爲聽訟所泰交至吏請僦屋則曰令命於朝廷體宜署居何僦

陽城縣志

卷之十

人物

夫

耶卽置入廨中方視事兵來射於廷泰交喻使去兵輒不遜卽令擒撻之後稍稍知戢於是均徭役整條理在縣五年廢墜皆舉擢監察御史疏請賑山東饑巡視北城有李三者以怨殺人而誣山東張乙獄已成矣爲鞠得其實反出之頃之視鹺長蘆改太僕少卿提督江南學政於學政任中歷晉大理卿副都御史刑部侍郎使旋出爲浙江巡撫泰交在浙通下情持大體不毛舉細故以廉平服人未幾遘疾卒

出從典字克五父雨時以篤行聞別有傳從典少遊學濟源聞父疾急歸夜穿太行山徑崎嶇不避虎豹康熙戊辰登進士知廣

東英德縣盡除宿弊置田學宮教養人材英民愛之如父母行
取爲御史在臺凡六年兩巡西城抑縱除濫豪吏束手轉通政
司叅議由光祿卿歷都察院副都御史陞兵部侍郎仍兼光祿
寺凡八年鈎稽精詳奸弊不得行其任兵部選法嚴核意所不
可不爲面從著砭愚說以見志雍正元年總理事例

御書清謹公方四字以賜用示獎勵尋轉吏部尙書兼授文華殿
大學士四年以疾乞休不允六年三月復辭位乃加太子太師
致仕賜金五千兩公卿祖于都門行至良鄉驛而卒遣官護喪
還予祭葬如制諡文端

陽城縣志

卷之十

人物

三

張茂生潤城里人由父璿廕歷任戶部主事轉員外郎中監督右
翼興平倉以勤慎著母老終養回籍里居二十七載砥德礪行
建周程張朱五賢祠以崇正學設經蒙兩學延師以培後進修
橋路立社倉置義田歲荒設粥全活多人鄉黨區畫之事甚周
著有息齋詩文集所刻有朱子薛子要錄泊水齋類閣文鈔魏
敏果庸言陽城詩鈔等書卒年七十有二里人哀悼爲之罷市
陳豫朋字濂村康熙甲戌進士大學士文貞次子官翰林院編修
歷任福建鹽驛道八歲能詩文貞爲授杜律詩話居官清介自
守日課詩作文名重一時著有詩集

陳賁懿字白村大學士文貞鎮子父廷懋武安縣令賁懿康熙辛卯舉於鄉選涑水令丁外艱服闋補杞縣令杞濱大河堤工袤延千餘丈歲儲菱木竹石向例皆取諸民加賦常額外力請上官免其儲賦如常額會黃河澄清蒙

恩加級旋署理祥符睢州擢陝州直隸州牧格于部議尋因事罷去後復補直隸晉甯令邑爲古大陸澤地南泊水勢窪下每川溪漲發輒爲患賁懿相度高下挑引溝渠導水歸壑涸地千畝有奇民大賴之其他興學造士安良去莠多此類旋以年老告歸兩任邑宰以實心行實政杞民爲建祠立石著問津詩集

陽城縣志

卷之十

人物

三

田懋字德符號退齋文端相國之子聰明嚴正十歲通周易講義嗜吟詩爲文得蘇韓風骨守父庭訓飭身勵行鄉黨以賢孝稱雍正十一年由蔭生授刑部員外郎遷郎中轉御史乾隆元年遷禮科給事中巡視南漕疏言巡漕御史向萃處通州淮安漕艘由南運北二千餘里鞭長莫及不若分駐濟甯天津可接續稽查從之時居言路彈劾不避權貴一時有白面包公之日誨陞副都御史赴山東察審按察使白顯棠出入人罪及虐累商民狀鞠實抵罪某相國有弟不法勢張甚見娶婦者艷其色攬歸婚者訟于

朝懋往察辦携一僕避供迎僑于旅店得實一鞫正法連擢刑戶
二部左右侍郎時吏部尙書訥親奏截取舉人年力衰庸者請
停其銓選令甄別後學習一年將堪勝縣任者入班選用否者
替疏言詳辯仍從舊例時彈章過繁忤

旨罷令回籍閉戶讀書二十六年迎

駕五臺

賜母錦帨增禧額緞四匹歸搆別業栽花種竹奉母郭太夫人居
焉力畫孝養號曰依園續修縣志三十五年卒著有易庸辨卦
變春秋考實格物解古文四卷依園詩耐忘集蒙求摘要藏於

陽城縣志

卷之十

人物

三

家子玉成由進士選庶常有文譽工詩乾隆間平定回部進呈
大閱及凱歌諸詩傳世

延青雲字果亭潤城里人邑諸生以質補福建泉州蟠江通判短
小精悍遇事敢任有歐幅者閩海巨盜也屢劫商船狡詐善匿
屢歲不獲總督某親至泉州坐索搜捕無踪文武官坐此獲戾
者數人青雲偵知賊處具餼糧集壯勇銜枚夜往比至天將曉
幅開門欲逸青雲督壯勇生擒之案定擬死卽以所佩刀戮焉
張晉艷雪堂詩有歐幅刀歌卽其事也以功陞廈門海防同知

子君壽

延君壽字荔浦性篤實知山東萊陽縣剔奸弊清積牘有高全劉
三姓爭堤起訟三十年未結君壽至一訊卽明人頌其神後緣
事罷官萊民伏闕請復格於例不行越二年開復選浙江長興
縣初莅任多以訾郎輕之及觀其政事文章皆敬服丁艱服闋
選安徽五河縣邑小政簡公退同姜鬱生張雋三輩詩酒倡和
有白香山風趣著六硯草堂詩文集行世子三長賞拔貢工詩
次常歲貢次棠乙未登賢書除解州學正文字外無所好著春
秋補義論孟史通易註四書廣義芻蕘碎語詩古文集

張敦仁字古愚澗城里人幼聰穎博覽羣書乾隆乙未進士任江

西高安縣調廬陵縣當積玩之區行廉悍之政弊絕風清歷署
松江蘇州諸府調江甯府署江安十府糧道任蘇州時值歲歉
民賣耕牛延生敦仁捐貲買牛來春得雨聽民取贖民甚賴之
授江西吉安府調南昌未數月署吉安某上吉安反狀撫軍委
敦仁以兵討之敦仁請單騎往吉民聽命誑得情知爲私鬪抗
彈之故赦從輕又江西多會匪肆行劫掠富民爲保家計多附
之而不隨行劫時撫軍緝盜盜逸拘良民發首府審辦敦仁察
其冤盡釋之簡放雲南清軍鹽法道剔弊釐奸鹽政肅清服官
四十餘年仕優則學不惜重價購書一時名士如鄭夢卜周慶

庵皆出其門著作繁富白下兵燹後什無一存惟爾雅圖考算
書尙有藏者年八十二卒子薦采由副貢中丙子經魁授海豐
令次子葆采亦由副貢領乙卯鄉薦歷任伏羌和平台皆有政
聲工書法姪貽穀諸生學淵博時稱經笥著有太行考葆采著
六經摘要

郭兆麒字麟伍懷古里人孝友耿介博學工詩年十四應童子試
時功令始加排律蔣時菴學使擊節嘆賞許爲三晉詩人乾隆
戊子舉於鄉以大挑授樂亭知縣政聲卓越調密雲縣孔道衝
繁去古北口百里會

陽城縣志

卷之十

人物

三

聖駕東巡以事稱

旨恩獎賜緞擢滄州刺史所任皆水陸要衝民刁盜熾兆麒寬嚴
交濟舊俗更新奸民滅跡後因事罷官著梅崖詩鈔

王瑤臺字蓬山號楓船幼而好學刻意下帷不爲貧累賜冠登賢
書成乾隆乙卯進士授檢討充

國史館纂修性至孝父母迎養京邸甲子

駕幸翰林院預宴

賜硯一方准攜珍羞奉親旋丁母憂哀毀卒於家著有賜硯堂詩
稿

劉湜字持正虎川里人世居澗城鎮嘉慶己巳進士知河南武安縣時滑縣教匪初平餘氛未靖甫下車編戶口嚴保甲盤盜賊匪皆攝跡去由卓異歷署南澳直隸廳太平安慶池州等府癸未夏江南北大水郡邑多被淹沒湜悉心籌畫於帑餉未到時飭各屬具糗糧並勸富民出粟濟貧冬復捐廉爲絮衣費散貧民集城下者數萬得帖然無事因平反休甯民人潘玉昆案坐罷起補廣東連山直隸廳同知連山地寥闕民猺雜處難治服湜寬嚴互用曲體輿情在任四年以廉能稱第灑字特舟性恬澹嗜學工書數竒不售挂帆南海有出塵之致著廣月軒集

陽城縣志

卷之二十

人物

三

田體清字鑑塘化源里人性嚴正讀書破萬卷嘉慶戊辰進士官湖南益陽知縣聽訟明斷人莫敢欺甫下車兩姓爭產構訟各執萬歷年印契真僞莫辨經數任不決體清審視曰乙某契書缺筆歷字避

廟諱此後造之僞契也曲者默服益陽民咸頌其神莅任三年案無留牘吏治肅清後去官歸里主講仰山書院講學至老不衰迄今士子猶思教澤焉

張林字扶春道昌孫以舉人大挑授山陰縣訓導冷官下帷學益富道光戊戌成進士官廣西昭平懷遠知縣政聲卓越咸豐初

粵匪肆逆軍旅繁興調糧臺佐軍務日不遑食由同知陞柳州府知府恤兵愛民廢無不舉以軍務疲勞卒於官筮仕三十餘年囊橐蕭然貧不能葬鄉里哀之

衛浚都號淇園通濟里人才清學裕工書法嗜吟詠嘉慶癸酉以拔貢舉於鄉補河曲縣訓導至卽纂修縣乘振興學校士風丕變捐金補修學宮士民頌之俸滿保陞甘肅徽縣知縣任未三月引疾去州牧慕爲名宿延爲秦州書院山長實心訓誨施里後種菊吟詩復主講宗程書院門下皆名士晚年好靜鈔書盈架著草草吟草行世

陽城縣志

卷之十

人物

三

王通昭字介明瑤臺次子三齡失怙母舅明經衛象權授以書撫之成立性少鈍而攻苦讀書以魯得之道光丙申成進士授翰林檢討筮仕五年分校禮闈者二次轉御史旋以終養告歸孝友之稱鄉黨無間言母歿哀毀過禮患目疾者終身咸豐三年粵匪攻圍懷慶奉

旨團防通昭督率鄉民皆自備口糧嚴守各隘如是者數月賊西竄經縣南鄙百餘里不敢闖入事聞有倡辦團練著有成效獎語掌郡教三十年一時名士多出其門年七十卒於家

劉作霖字雨蒼沁渡里人性剛方博學嗜古爲文奇峭兩司教鐸

所至培植士類任吉州時有諸生某貧負徇民金徇民逼鬻其妻女將從之作霖聞之言於官痛懲徇民出已貲以償其債時歲歉有司徵穀還倉飢民阻撓羅織諸生五人幾成大獄作霖力辨從末減士民德之著凭山堂課藝自怡悅詩集子三人長瑄華次 昂華皆膺鄉薦瑄華司鐸翼城有左癖工寫竹詩文亦清矯不羣

廷彩字紫筠潤城人才敏學富游學四方道光甲辰進士署永清令甫下車登遭蝗旱冒暑督捕備勤務期淨盡民害悉除積勞成疾補博野未任卒著簡齋詩草一藝堂文集

陽城縣志

卷之十

人物

三

劉丙字石久初名溥潤城里人由副貢授繁峙教諭保陞安徽舒城令甫到任值粵匪滋亂大江南北軍書旁午丙接辦兵差軍旅無譁商民不擾上憲諭其賢調懷甯首縣時霖雨浹旬濱江一帶墾田衝決立籌數千金雇夫護救立風雨中七晝夜補塞無虞補宣城值水火後蝻孽叢生親率萬餘人日給口食百法捕滅歲大熟宣民德之陞同知去後任某辦漕未善民洶洶聚爲變撫軍委丙馳勘卽時解散完納遂懲首惡結案署太平府會江水暴漲淹斃人民撈救掩埋以數萬計時請帑未至捐廉賑濟全活甚衆是歲麥秀三歧人以爲瑞舉卓異引

見後以知府陞用在省讞獄以平反冤獄著名咸豐三年粵匪竄入九江奉檄江北防堵省垣陷丙安撫難民風雪中不勝其苦積勞卒于防所工隸篆與錢十蘭伊墨卿齊名

